

خَطِ پوُلُسِ بَلَدِه اِيْمَانْدَارَايِ اِفِسُّسِ

پيشگفتار

مقصدِ امزی خطِ ای آسته که ساحه دیدِ ایماندارا شارِ اِفِسُّسِ دَ باره نقشه اَزلی و اَبدی خُدا و دَ باره فَيضِ خُدا وَسعت پیدا کُنه تا اونا هَدَفِ های نیکِ خُدا ره که بَلدِه جماعتِ ایماندارا آسته پی بُره.

پوُلُسِ دَ امزی خطِ بیان مونه که قصدِ خُدا اینی آسته که تمامِ چیزا ره از آسمو و زمی زیرِ فرمانِ مسیحِ بیره. اُو امی مطلبِ ره دَ سه فصلِ اوّلِ خطِ بطورِ واضحِ تشریحِ مَوکُنه. پوُلُسِ نشو میدیه که نقشه خُدا ای آسته که یهود و غیرِ یهود دَ میراثِ خُدا و دَ جماعتِ مسیحِ که «جِسْمِ مسیحِ» گفته موشه، شریکِ بَشه. بعد ازو دَ سه فصلِ دیگه از ایماندارایِ مسیحِ خواهشِ مونه که بطوری زندگی کُنه که لیاقتِ میراثِ خُدا و جِسْمِ مسیحِ ره دَشته بَشه.

پوُلُسِ بَلدِه نشو دَدونِ اِتْحَادِ یهود و غیرِ یهود دَ جِسْمِ مسیحِ مَثَلِ های کَلو میره: اُو جماعتِ ایماندارا ره «جِسْمِ» مَوگیه و مسیحِ ره «سِرِ جِسْمِ»، جماعتِ ایماندارا ره «ساختمان»

مُوگيه و مسيح ره «سنگِ اصلی ساختمان.» دَ یگ جای دیگه پوئس دَ باره رابطه خانوارا
مثال اُورده جماعتِ ایماندارا ره مثلِ «خاتو» و مسیح ره مثلِ «شوی» بیان مونه. پوئس
قد فکرِ عَوْجِ فَيْضِ خُدا ره که دَ مسیح آسته تشریح مونه و دلیل های محکم و قاطع میره.
دَ حقیقت تمامِ دلیل ها که دَ باره مَحَبَّت، فِداکاری، بَخْشِش، فَيْض و قُدُوسِیَّتِ مسیح بیان
مُوشه، یگ حِسِ خاصِ دره.

فهرستِ عنوانها

دُعا و سلام (۱:۱)

برکت های روحانی دَ مسیح (۳:۱)

شکرگزاری و دُعا (۱۵:۱)

زنده شدو قد مسیح (۱:۲)

یگجای بُودو قد مسیح (۱۱:۲)

پوئس، رسولِ بلدهِ مردُمایِ غیرِ یهُود (۱:۳)

دُعا بلدهِ اِفِسیسیا (۱۴:۳)

اتفاقِ دَ جِسْمِ مسیح (۱:۴)

زندگی کدو رقمِ بچکیچای نُور (۱۷:۴)

زندگی کدو دَ نُور (۱:۵)

رابطه خاتو و شوی (۲۱:۵)

رابطه آته-و-آبه قد بچکیچا (۱:۶)

دَ بَارِهَ غُلَامَا و بادارا (۵:۶)

سَلَا ح بَلَدِه جَنگِ رُو حَانِي (۱۰:۶)

سَلَام هَا ي آخِرِي (۲۱:۶)

دُعا و سلام

۱ از طرفِ پوئس که دَ خاست-و-اراده خُدا رَسولِ مَسِيحِ عِيسِي آسته، بَلَدِه مُقَدَّسِينِ
شَارِ اِفْسُسِ که دَ مَسِيحِ عِيسِي وفادار آسته: ۲ فَيِضُ و سَلَامَتِي از طرفِ آتِه مو خُدا و مولا
عِيسِي مَسِيحِ نَصِيْبِ شُمُو شُنِه.

بَرَکَتِ هَا ي رُو حَانِي دَ مَسِيحِ

۳ حمد-و-ثنا دَ خُدا و آتِه مَوْلَا ي مو عِيسِي مَسِيحِ که مو ره دَ وَسِيْلِه مَسِيحِ قَدِ تَمَامِ بَرَکَتِ
هَا ي رُو حَانِي که دَ عَالَمِ بَالِه آسته، بَرَکَتِ دَد. ۴ چُونِ اُو پِيْشِ از بُنِيَادِ دُنْيَا مو ره بَلَدِه مَسِيحِ
اِنْتِخَابِ کَدِ تا مو دَ حُضُورِ شِي مُقَدَّسِ و بِي عِيْبِ بَشِي. از رُوي مُحَبَّتِ ۵ اُو مو ره مُطَابِقِ
خاست-و-اراده نِيکِ خُو تَعْيِيْنِ کَدِ تا دَ وَسِيْلِه عِيسِي مَسِيحِ بَچْکِيچَا ي فِرْزَنْدِي شِي شُنِي
۶ بَلَدِه سِتَايشِ فَيِضِ پُرِ جَلَالِ شِي که مُفْتِ-و-رَايْگَانِ دَ وَسِيْلِه بَاچِه دُوسْتِ دَشْتَنِي خُو دَزِ مو
بَخْشِيْد. ۷ مو دَ وَسِيْلِه رَابِطِه قَدِ مَسِيحِ، دَ وَسِيْلِه خُونِ اَزُو بَا زَخْرِيْدِ شُدِي و بَخْشِشِ گُناهِ
هَا ي مو دَ مُطَابِقِ فَيِضِ بِي اِنْدَازِه خُدا مُهْيَا شُد ۸ که پَرِيْمُو دَزِ مو بَخْشِيْد. اُو قَدِ تَمَامِ

حکمت و دانایی^۹ رازِ خاست-و-اراده خو ره بلده ازمو معلومدار کد، مُطابقِ رضایت خو که دَ وسیله مسیح قَصْد کُدد. ^{۱۰} او ای کار ره بلده تنظیم تکمیل شدونِ زمان ها کد تا تمام چیزا ره دَ مسیح جَم کنه، ام چیزای ره که دَ آسمو آسته و ام چیزای ره که دَ زمی یه. ^{۱۱} مو ام دَ وسیله مسیح صاحبِ میراث شُدے، چراکه مُطابقِ قَصْدِ خُدا مو پیش از پیش تعیین شُده بُوْدی، مُطابقِ قَصْدِ امزو که تمام چیزا ره مُطابقِ فِیصله-و-خاست خو انجام میدیه ^{۱۲} تا مو اوّلین کسای که دَ مسیح اُمید کدی، باعثِ ستایشِ بزرگی-و-جلالِ ازو بشی. ^{۱۳} شُمو ام دَ مسیح، وختیکه کلامِ حقیقت یعنی خوشخبری نجات خو ره شنیدید و دزو ایمان اوردید، قد روح القدس وعده شُده مَهر شُدید ^{۱۴} که ای بیعانه میراث مو آسته تا وختِ بازخريدِ کسای که مالِ خُدا یه بلده ستایشِ بزرگی-و-جلالِ ازو.

شکرگزاری و دُعا

^{۱۵} دَ امزی دلیل، ما از وختیکه دَ باره ایمان شُمو دَ مولا عیسیٰ و مُحَبَّتِ شُمو قد تمام مُقَدَّسینِ شَنِیدُم، ^{۱۶} دَوامدار بلده شُمو شکرگزاری کده شُمو ره دَ دُعاهاى خو یاد مُونم، ^{۱۷} تا خُداى مولاى مو عیسیٰ مسیح که آته پُر جلالِ آسته، روحِ حکمت و پى بُردو بلده شناس خو دز شُمو بدیه. ^{۱۸} دُعا مُونم که چیمای دل شُمو روشو شنه تا بدید اُمیدی که خُدا شُمو ره بلده شی کوی کده چی آسته و آرزشِ میراثِ پُر جلالِ ازو دَ مینکلِ مُقَدَّسینِ چی یه، ^{۱۹} و بزرگی بے اندازه قُدرتِ ازو بلده ازمو ایماندارا چی معنی دَره. امو قُدرت

مُطَابِقِ عَمَلِ قُوْتِ عَظِيْمِ اَزُو اَسْتَه ^{۲۰} که اُو ره دَ وُجُوْدِ مَسِيْحِ دَ کَار بُرْدِ وِخْتِيْکَه اُو ره از مُرْدَه هَا دُوْبَارَه زِنْدَه کَد و دَ دِسْتِ رَاسْتِ خُو دَ عَالَمِ بَالَه شَنْد، ^{۲۱} بَالَهْتَر از هر حُکُوْمَتِ و قُدْرَتِ و قُوْتِ و پادشاهی و هر نامی که گِرِفْتَه مُوشَه، نَه تَنَهَا دَ زِي عَالَمِ، بَلْکِه دَ عَالَمِي که اَمْدَنِي اَسْتَه اَم. ^{۲۲} خُدا تَمَامِ چِيْزَا رَه دَ زِيْرِ پايای مَسِيْحِ ايشْتِ و اُو رَه دَ بِلَه تَمَامِ چِيْزَا قَرَار دَدَه بَلْدَه جَمَاعَتِ اِيْمَانْدَارَا سر جُور کَد ^{۲۳} که جَمَاعَتِ اِيْمَانْدَارَا جِسْمِ اَزُو اَسْتَه، يَعْنِي پُري اَزُو که پَگِ چِيْزَا رَه از هر نِگَاه پُر مُونَه.

زنده شدو قد مسيح

^۲ شُمو دَ خَطَاها و گُناهاى خُو غَرَقِ شُدَه مُرْدَه بُوْدِيْد، ^۲ دَ خَطَاها و گُناهاى که شُمو يِگِ وِخْتِ دَ زِ شِي زِنْدَگِي کَدَه از راه هاى اَزِي دُنْيا و از حُکْمَرانِ قُدْرَتِ هَوا پِيْرَوى مُوْکَدِيْد، يَعْنِي اَمْزُو رُوحِ که فِعْلاً دَ وُجُوْدِ مُرْدُمَاى نَافَرْمَانِ کَار مُونَه. ^۳ يِگِ زَمَانِ پَگِ اَزْمُو اَم دَ مِيْنِکَلِ اَزُوا دَ مُطَابِقِ هَوسِ هاى جِسْمَانِي خُو زِنْدَگِي کَدَه از خَاهِشَاتِ جِسْمِ و خَاهِشَاتِ فِکْرَاى خُو پِيْرَوى مُوْکَدِي و طَبِيْعَتاً رَقْمِ دِيْگَرُو اَلِّي مُرْدُمَاى مَحْکُوْمِ دَ غَضَبِ بُوْدِي. ^۴ مَگَمِ خُداى که پُر از رَحْمَتِ اَسْتَه، بَخَاطِرِ مُحَبَّتِ بُزْرَگِ خُو که نِسَبَتِ دَ زِ مَو دَشْت، ^۵ حَتّى دَ غَيْتِيْکَه مَو دَ خَطَاهاى خُو غَرَقِ شُدَه مُرْدَه بُوْدِي، اُو مَو رَه قَدِ مَسِيْحِ زِنْدَه کَد. پَس دَ وِسِيْلَه فَيْضِ-و-رَحْمَتِ، شُمو نِجَاتِ پِيْدا کَدِيْد. ^۶ اَرِى، خُدا مَو رَه قَدِ اَزُو دُوْبَارَه زِنْدَه کَد و دَ جَاى هاى اَسْمَانِي قَدِ مَسِيْحِ عِيْسَى شَنْد، ^۷ تا دَ عَالَمِ هاى اَمْدَنِي فَيْضِ بِيْ اَنْدازَه پَرِيْمُونِ

خو ره قد مهربانی دَ وسیله مسیح عیسی دَز مو نشو بډیه. ^۸ چُون شُمو دَ وسیله فیض از طریق ایمان نجات پیدا کډید و ای کار از شُمو نیسته، بلکه بخشش خُدا آسته، ^۹ نه ام نتیجه اعمال شُمو، تا هیچ کس نتنه دَ بله خُو افتخار کُنه. ^{۱۰} چُون مو جور شُده دست خُدا آستی و دَ مسیح عیسی خَلق شُدے تا کارای نیک ره انجام بډی، کارای ره که خُدا پیش از پیش آماده کده تا دَ مطابق ازوا رفتار کُنی.

یگجای بُو دو قد مسیح

^{۱۱} پس شُمو کسای که غیر یهود دَ دُنیا اُمید دَ یاد خُو بیرید که یگ زمان دَ وسیله مردُمای که «ختنه شُده» گفته موشُد، «ناختنه» گفته موشُدید، دَ حالیکه ختنه دَ جسم دَ وسیله دستِ انسان انجام دده موشه. ^{۱۲} دَ یاد خُو بیرید که دَ او زمان شُمو از مسیح دُور، از تابعیتِ اسرائیل محروم و قد عهد های وعده خُدا ناآشنا بُویدید و بَدون اُمید و بَدون خُدا دَ ای دُنیا زندگی مَوکدید. ^{۱۳} مگم شُمو کسای که یگ زمان دُور بُویدید، آلی دَ مسیح عیسی دَ وسیله خُونِ مسیح نزدیک اُورده شُدید. ^{۱۴} چُون او صلح-و-سلامتی مو آسته، اُمو که دُو جم ره یگ جور کد و دیوالِ جدایی ره که دَ مینکلِ یهود و غیر یهود بُو د چپه کد و اُمو دُشمنی ره ^{۱۵} یعنی شریعت ره قد احکام و دستورای شی دَ وسیله جسم خُو باطل کد تا امزی دُو دَ وجود خُو یگ انسانِ نو خَلق کده صلح-و-آرامش ره برقرار کُنه. ^{۱۶} و هر دُو جم ره دَ یگ جسم قد خُدا آشتی دلجی کُنه، دَ وسیله صلیب خُو که دُشمنی ره دَ بله ازو نابود

۱۷. کد. مسیح آمده خوشخبری صلح-و-آرامش ره ام دز شمو که دور بودید و ام د کسای
 که نزدیک بود، اعلان کد ۱۸ تا از طریق ازو هر دو جم مو د وسیله یگ روح د حضور آته
 آسمانی دسترسی دشته بشی. ۱۹ پس شمو غیر یهودیا دیگه بیگنه و ناشناس نیستید، بلکه
 از هموطن مقدسین و اعضای خانوار خدا استید، ۲۰ چون شمو د بله تادوی که رسولا و
 پیغمبرا ایشته آباد شدید که مسیح عیسی خود شی سنگ اصلی ازو آسته. ۲۱ د وسیله ازو
 تمام ساختمان قد یگدیگه خو یگجای شده و رشد کده یگ خانه مقدس د وجود مولا جور
 موشه. ۲۲ دزو شمو ام قد یگدیگه خو آباد شده جای بود-و-باش خدا جور موشید که خدا د
 روح دز شی جای میگیره.

پولس، رسول بلده مردمای غیر یهود

۳ د امزی دلیل ما پولس که بخاطر مسیح عیسی و بخاطر ازشمو مردمای غیر یهود
 بندی استم دعا مونم. ۲ حتماً شمو د باره وظیفه اعلان کدون فیض خدا که بخاطر ازشمو
 دز مه دده شد شنیدید، ۳ و ام ای که چطور ای راز د وسیله وحی بلده مه معلومدار شد،
 امو رقم که پیش ازی کوتاه نوشته کدم. ۴ وختیکه شمو او ره بخانید، شمو میتنید
 فامیدگی مره د باره راز مسیح پی ببرید. ۵ ای راز د نسل های گذشته د بنی آدم
 معلومدار نشد، رقمی که آلی د رسولا و انبیای مقدس خدا د وسیله روح القدس
 معلومدار شده، ۶ یعنی که مردمای غیر یهود قد یهودیا هم میراث و اعضای یگ جسم شده

و دَ وَعْدِهِ خُدا دَ وَسِيْلِهِ مَسِيْحِ عِيْسَىٰ اَز طَرِيْقِ خَوْشخَبْرِي شَرِيْكِ شُدِه. ^۷ مَا دَ مُطَابِقِ
بَخْشِشِ فَيْضِ خُدا كِه دَ وَسِيْلِهِ عَمَلِ قُدْرَتِ اَزُو دَز مِه دَدِه شُد، خِدْمَتگَارِ اَمْزِي خَوْشخَبْرِي
شُدِيْم.

^۸ اگَرچِه مَا كَمْتَرِ اَز كَمْتَرِيْنِ پَكِ مُقَدَّسِيْنِ اَسْتَم، اِي فَيْضِ دَز مِه دَدِه شُد تا اَرْزِشِ بِي اَنْدازِه
مَسِيْحِ رِه دَ مَرْدُمَايِ غَيْرِ يَهُودِ اِعْلانِ كُنْم ^۹ وَ نَقْشِه رازِي رِه كِه اَز زَمانايِ قَدِيْمِ دَ پِيْشِ خُدا
تاشِه نِگاهِ شُدَد [بَلَدِه پَكِ] بَرَمَلَا كُنْم، دَ پِيْشِ خُدايِ كِه تَمامِ چِيْزا رِه خَلْقِ كَد، ^{۱۰} تا دَ
زَمانِ حاضِرِ، شَكْلِ هَايِ مُخْتَلِفِ حِكْمَتِ خُدا دَ حُكْمَرانَا وَ قُدْرَتِ هَا دَ جايِ هَايِ اَسْمانِي اَز
طَرِيْقِ جَماعَتِ اِيْماندارا ظاهِرِ شُنِه. ^{۱۱} اِي دَ مُطَابِقِ اَمْزُو قَصْدِ اَزْلِي بُوَد كِه خُدا اُو رِه دَ
وَسِيْلِه مَوْلايِ مَوْ مَسِيْحِ عِيْسَىٰ عَمَلِي كَد ^{۱۲} كِه دَ وَسِيْلِه اَزُو مَوْ دَ جُرأتِ وَ اِطْمِيْنانِ اَز
طَرِيْقِ اِيْمانِ دَزُو دَ حُضُورِ خُدا دِسْتَرَسِي دَرِي. ^{۱۳} پَسِ خاهِشِ مُونْم كِه بَخاطِرِ رَنْجِ هَايِ كِه مَا
بَلَدِه شُمُو مِيكشُم دِلْسَرْدِ نَشْنِيْد، چراكِه اونا مَايِه اِفْتِخارِ شُمُو اَسْتِه.

دُعا بَلَدِه اِفْسِسيَا

^{۱۴} اَمْزِي خاطِرِ مَا زانُو زَدِه دَ پِيْشِ اْتِه اَسْمانِي كِه ^{۱۵} هَرِ خانُوارِ دَ اَسْمُو وَ دَ زَمِي نامِ خُو رِه
اَزُو مِيگِيْرِه ^{۱۶} دُعا مُونْم كِه اُو دَ مُطَابِقِ بُزْرُگِي-وَ-جَلالِ بِي اَنْدازِه خُو دَز شُمُو عطا كُنِه تا دَ
وَسِيْلِه رُوحِ اَزُو قَدِ قُدْرَتِ دَ باطنِ خُو قَوِي شُنِيْد ^{۱۷} تا مَسِيْحِ دَ وَسِيْلِه اِيْمانِ دَ دِلْهَايِ شُمُو
جايِ بِيگِيْرِه وَ شُمُو دَ مُحَبَّتِ رِيْشِه دَوْنَدِه مُسْتَحْكَمِ شُنِيْد. ^{۱۸} دُعا مُونْم كِه قَدِ تَمامِ مُقَدَّسِيْنِ

توانایی ازی ره پیدا کُنید که بر و درازی و بلندی و غُوجی مُحَبَّتِ مَسِيحِ ره پي بُرید؛^{۱۹}
و امو مُحَبَّتِ ره که از عِلْمِ اِنسان باله آسته بدنید تا از پُری کاملِ خُدا پُر شُنید تا خُدا که
از پگ چیزا پُر آسته شُمو ره ام پُر کُنه.

۲۰ و آلی بزرگی-و-جلال دَ خُداي که میتنه بے اندازه کلو از هر چیزی که مو طلب کُنی یا دَ
فِکر شی بَشی دَ وَسِيْلَه قُدْرَتی که دَ وُجود مو عمل مُونه، انجام بَدیه؛^{۲۱} اَرے، دَ خُدا دَ
بَيْنِ جَماعتِ ايماندارا و دَ مَسِيحِ عيسی نسل اَندر نسل تا اَبداً اَباد بزرگی-و-جلال باد.
آمین.

اتفاق دَ جِسْمِ مَسِيحِ

۲۴ پس، ما که بخاطرِ مَولا بَندي اَسْتُم دَ پيش شُمو زاری مُونم: شُمو رَقْمی رفتار کُنید
که لایقِ امزُو دَعوتِ بَشه که شُمو بَلدِه ازو کُوی شُدید.^۲ قد فروتنی کامل و مُلایمت و قد
صبر-و-حَوصِلَه یگدیگه خُو ره دَ مُحَبَّتِ تَحْمَلِ کُنید؛^۳ و سخت کوشش کُنید که اِتْحادی ره
که دَ وَسِيْلَه روح دَرید قد صُلاح-و-صفا نِگاه کُنید: یگ جِسْم و یگ روح آسته، امو رَقْم
که شُمو ام کُوی شُدید بَلدِه یگ اُمید که دَ کُوی شُدون خُو دَرید؛^۵ یگ مَولا، یگ ايمان،
یگ غُسلِ تَعْمید؛^۶ و یگ خُدا که آتِه پگ و از پگ کده باله آسته و از طَرِيقِ پگ و دَ
وُجودِ پگ کار مُونه.

۷ مگم بلده هر کدم ازمو مطابق د اندازه بخشش مسيح فيض بخشیده شد. ^۸ امزی خاطر د کلام خدا موكيه:

”وختیکه او د عالم باله رفت

اسارت ره د اسیری بُرد

و بخشش ها ره بلده آدما بخشید.“

۹ معنی ازی که «او باله رفت» چی آسته، بغير ازی که اول او د حصه های تاهتر زمی ام رفتد؟ ^{۱۰} پس امو کسی که تاه رفت، او امو آسته که بالهتر از تمام آسمونا رفت تا تمام چیزا ره قد حضور خو پُر کُنه. ^{۱۱} او بعضی ها ره د عنوان رسول، بعضی ها ره د عنوان

پیغمبر، بعضی ها ره د عنوان خوشخبری دهنده و بعضی ها ره د عنوان رهبر و معلم بخشید ^{۱۲} تا مقدسین ره بلده کار خدمت آماده کُنه یعنی بلده آباد کدون جسم مسیح ^{۱۳} تا

زمانی که پگ مو د اتفاق ایمان و شینختون باچه خدا برسی و د ایمان خو انسان بالغ شنی، د اندازه پری قامت مسیح. ^{۱۴} پس مو دیگه باید مثل بچکیچای نبشی که د وسیله جلیه های او ایسو-و-اوسو برده موشه و توسط باد هر تعلیم پف شده د وسیله جلیه-و-مکر

مردم و د وسیله فریب نقشه های گمراه کُننده گمراه موشه، ^{۱۵} بلکه حقیقت ره د محبت بیان کُنی و از هر نگاه د امزو رشد کُنی که سر جسم آسته، یعنی د مسیح. ^{۱۶} د وسیله ازو

تمام جسم قد یگدیگه خو یگجای شده و د وسیله هر مَفصلی که بلده ازو آماده شده نگاه موشه. پس وختیکه هر عضو د دُرستی کار کنه، جسم ره رُشد میدیه تا جسم خود ره از طریق مُحَبّت آباد کنه.

زندگی کدو رقم بچکیچای نور

^{۱۷} ما ای ره موگم و د نام مولا تاکید مونم که شمو دیگه نباید رقمی زندگی کنید که مردمای خداناشناس د مطابقِ فکرا-و-خیالاتِ باطلِ خو زندگی مونه. ^{۱۸} چون فکرای ازوا تیره-و-تربیک شده و اونا بخاطرِ جهالتی که دزوا آسته و بخاطرِ سنگدلیِ خو، از زندگی که خدا موبخشه محروم شده. ^{۱۹} اونا احساسِ خو ره از دست دده و خود ره تسلیمِ فسق-و-فساد کده تا هر رقم ناپاکی ره حریصانه انجام بدیه.

^{۲۰} لیکن شمو امی رقم چیزا ره د باره مسیح یاد نگرفتید، ^{۲۱} اگه واقعاً د باره مسیح شنیدید و د راه ازو مطابقِ حقیقتی که د عیسی وجود دره تعلیم دده شدید. ^{۲۲} شمو تعلیم دده شدید تا طریقه زندگی سابقِ خو، یعنی امو طبیعتِ کهنه ره که د وسیله خواهشاتِ نفسانی فریبنده فاسد شدد، از خود دور کنید ^{۲۳} و د روح و فکر خو نو شنید ^{۲۴} و طبیعتِ نو ره بپوشید که د عدالت و قدوسیّتِ حقیقی مطابقِ اراده خدا خلق شد.

^{۲۵} پس دروغ ره ایله کده هر کس باید قد همسایه خو توره راست ره بگیه، چراکه پگ مو

أعضاء يگديگه خو آستی. ^{۲۶} وختیکه قار موشید، گناه نکنید؛ نیلید که آفتو بشینه و قار شمو باقی بمانه. ^{۲۷} د ایلېس وخت ندید. ^{۲۸} دز باید دیکه دزی نکنه، بلکه قد دستای خو زحمت کشیده کار نیک کنه تا بتنه بلده نفرای محتاج یگو چیز بدیه. ^{۲۹} هیچ توره بد از دان شمو بر نشنه، بلکه تنها چیزای فایده مند بلده آباد کدون دیگر و د مطابق ضرورت ازوا گفته شنه تا بلده شنونده ها فیض برسنه. ^{۳۰} روح القدس خدا ره که شمو د وسیله ازو بلده روز رستگاری مهر شدید، غمگی نکنید. ^{۳۱} هر رقم اوقات تلخی، قار، غضب، غالمغال، بدگویی و کینه ره از خود دور کنید. ^{۳۲} و نسبت د یگدیگه خو مهربان و دلسوز بشید و یگدیگه خو ره ببخشید، امو رقم که خدا ام شمو ره د وسیله مسیح بخشیده.

زندگی کدو د نور

۵ پس رقم بچکیچای دوست دشتنی از خدا سرمشق بگیرید ^۲ و د محبت زندگی کنید، امو رقم که مسیح مو ره محبت کد و جان خو ره بخاطر ازمو بحیث هدیه و قربانی د عنوان خوشبوی مورد پسند خدا تقدیم کد.

^۳ زنا و هر رقم ناپاکی یا حرص باید د مینکل شمو حتی ذکر ام نشنه، چراکه امی چیزا بلده مقدسین مناسب نییه. ^۴ گفتار زشت، ایله گویی و مزاق پوچ از هیچ نگاه مناسب نییه، بلکه د جای ازی چیزا شکرگزاری کنید. ^۵ چون ای ره بدنید که هیچ زناکار، شخص ناپاک و

حریص -- که امی رقم آدما بُت پرستا آسته -- د میراث پادشاهی مسیح و خدا شریک نیسته. ^۶ د هیچ کس اجازه ندید که شمو ره قد تورای پوچ و باطل بازی بدیه، چون بخاطر امزی چیزا آسته که غضب خدا د بله کسای که ناطاعتی موکنه نازل موشه. ^۷ پس قد ازوا همدست نبشید؛ ^۸ چون شمو یگ زمان پُر از تریکی بودید، مگم آلی د وسیله مولا پُر از نور آستید. امزی خاطر رقم بچکیچای نور زندگی کنید، ^۹ چون ثمر نور د هر رقم نیکی، عدالت و راستی دیده موشه. ^{۱۰} کوشش کده پی بُبرید که چیزخیل باعث خوشی مولا موشه. ^{۱۱} د کارای بے ثمر تریکی شریک نشنید، بلکه اونا ره بے پرده کنید، ^{۱۲} چون کارای ره که اونا تاشکی انجام میدیه، حتی گفتون شی ام شرم آور آسته. ^{۱۳} لیکن هر چیزی که د وسیله نور بے پرده شنه، او برملا موشه. ^{۱۴} چون نور آسته که هر چیز ره برملا مونه. امزی خاطر موهیه:

”ای تو که د خاوی، بیدار شو

و از مینکل مرده ها باله شو

و نور مسیح د بله تو روشنی مونه.“

^{۱۵} پس فکر خو ره بگیرید که چی رقم باید زندگی کنید، نه رقم مردمای نادو، بلکه رقم مردمای دانا. ^{۱۶} از وخت خوب استفاده کنید، چراکه امی روزها، روزهای بد آسته.

^{۱۷} امزی خاطر لَوْدَه نَبَشِيد، بَلَكِه بُفَامِيد كِه اِرَادِه مَوْلَا چي اَسْتِه. ^{۱۸} خود ره قد شراب نِشه نَكْنِيد، چراكه از شراب فسق-و-فساد دَ وِجُود مِيبِه، بَلَكِه از روح اَلْقُدْس پُر شُنِيد. ^{۱۹} قد يگدِيگِه خُو از زُبُور و حمد-و-ثنا و سُرُود هَاي رُوحَانِي توره بُوگِيد و دَ دِل هَاي خُو بَلَدِه مَوْلَا سُرُود جور كده بَخَانِيد. ^{۲۰} بَلَدِه تَمَام چيزا هَميشه از خُدا يِعْنِي اَنِه اَسْمَانِي دَ نَام مَوْلَاي مَوْ عيسِي مَسِيح شُكْرگُزاري كُنِيد.

رابطه خاتو و شوی

^{۲۱} بَخَاطِر اِحْتِرَام دَ مَسِيح، تَابِع يگدِيگِه خُو بَشِيد. ^{۲۲} اَي خَاَتُونُو، تَابِع شُويُون خُو بَشِيد اَمُو رَقْم كِه تَابِع مَوْلَا اَسْتِيد، ^{۲۳} چراكه شُوي سِرِ خَاَتُو اَسْتِه، اَمُو رَقْم كِه مَسِيح سِرِ جَمَاعَتِ اِيْمَانْدَارَا اَسْتِه، سِرِ جِسْمِي كِه اُو نِجَات دِهْنِدِه شِي اَسْتِه. ^{۲۴} پَس اَمُو رَقْم كِه جَمَاعَتِ اِيْمَانْدَارَا تَابِع مَسِيح اَسْتِه، خَاَتُونُو اَم بَايِد دَ هَر كَار تَابِع شُويُون خُو بَشِه.

^{۲۵} اَي شُوي هَا، خَاَتُونُوي خُو ره مُحَبَّت كُنِيد، اَمُو رَقْم كِه مَسِيح جَمَاعَتِ اِيْمَانْدَارَا ره مُحَبَّت كَد و جَان خُو ره بَلَدِه شِي دَد ^{۲۶} تا اُو ره قد اُو شُشْتِه دَ و سَبِيلَه كَلَام، پَاك و مُقَدَّس كُنِه ^{۲۷} و تا جَمَاعَتِ اِيْمَانْدَارَا ره قد شِكُوه-و-جَلَال و بَدُون لَكِه و چِين و چِيزاي مِثَلِ اَمْرِيَا دَ حُضُور خُو تَقْدِيم كُنِه تا مُقَدَّس و بِي عَيْب بَشِه. ^{۲۸} دَ عَيْنِ رَقْم، شُوي هَا بَايِد خَاَتُونُوي خُو ره رَقْمِ جَان خُو اَلِّي مُحَبَّت كُنِه، چُون هَر كَسِي كِه خَاَتُونِ خُو ره مُحَبَّت كُنِه، اُو خُود خُو ره مُحَبَّت مُونِه. ^{۲۹} چُون هِيچ كَس هَرگِز از جِسْمِ خُو نَفَرَت نَدَرِه، بَلَكِه دَزُو خُورَاك مِيدِيه و اُو

ره کاله موكنه، امو رقم كه مسيح جماعت ايماندارا ره كاله موكنه،^{۳۰} چراكه مو اعضای جسم ازو آستی.^{۳۱} «امزی خاطر مرد آته و آبه خو ره ايله كده قد خاتون خو يگجای موشه و هر دوی شی يگ جسم موشه.»^{۳۲} ای يگ راز بزرگ آسته، ليکن ما د باره مسيح و جماعت ايماندارا توره موگم.^{۳۳} خلاصه هر كدم از شمو بايد خاتون خو ره رقم جان خو آلی مُحَبَّت كُنيد و خاتو بايد شوی خو ره احترام كنه.

رابطه آته-و-آبه قد بچکيچا

۶ آي بچکيچا، از آته و آبه خو د احترام مولا اطاعت كُنيد، چراكه ای كار درست آسته.^۲ «آته و آبه خو ره احترام كو،» ای اولين حكم آسته كه قد وعده قتی يه:^۳ «تا د خير-و-خوبی تو تمام شنه و د بله زمی عمر دراز داشته بشی.»^۴ آي آته گو، بچکيچای خو ره سر قار نكُنيد، بلكه اونا ره د مطابق تربيه و هدايت مولا كنه كُنيد.

د باره غلاما و بادارا

۵ آي غلاما، از بادارای انسانی خو قد ترس و لرز و قد دل صاف اطاعت كُنيد، امو رقم كه از مسيح اطاعت مُونيد،^۶ نه تنها وختيکه زير نظر آستيد، رقم كسای كه رضایت انسان ره طلب مونه، بلكه رقم غلامای مسيح كه خاست-و-اراده خدا ره از دل-و-جان د جای ميره.

^۷ اونا ره قد نیتِ پاک خدمت کُنید، رقمی که بگی د مولا خدمت مونیډ نه د انسان،
^۸ چون شمو میدنید که هر کس هر عمل نیک ره انجام بډیه، مولا اجر شی ره میدیه، چی
 غلام بشه، چی آزاد. ^۹ آی بادارا، شمو ام قد غلامای خو امی رقم رفتار کُنید و اونا ره
 نترسینید، چون شمو میدنید که ام شمو و ام غلامای شمو یگ بادار درید که د عالم باله
 آسته و او از کس طرفداری نَموکنه.

سلاح بلده جنگِ روحانی

^{۱۰} د آخر، آی عزیزا، د وسیله مولا و د وسیله توانایی قدرت ازو قوی بشید. ^{۱۱} سلاح
 کاملِ خدا ره پُوشید تا بتنید د برابرِ مکرها-و-چالای ایلیس مقاومت کُنید، ^{۱۲} چون
 کشمکش ازمو قد خون و جسم نییه، بلکه قد حکمرانا، قدرت ها و اختیاردارای امزی
 تریکی و قد لشکرهای ارواح شیطانی د عالم باله آسته. ^{۱۳} امزی خاطر سلاح کاملِ خدا ره
 پُوشید تا بتنید دمزو روز بد مقاومت کُنید و تمام چیزا ره انجام دده اُستوار بُمنید. ^{۱۴} پس
 اُستوار منده کمربندِ حقیقت ره د کمر خو بسته کُنید و زره عدالت ره د جان خو کُنید ^{۱۵} و
 چپلی آمادگی ره بلده اعلان کدون خوشخبری صلح-و-سلامتی د پای خو کُنید. ^{۱۶} علاوه
 ازیا، سپر ایمان ره بگیریډ تا بتنید د وسیله ازو تمام تیرهای آتشی شیطو ره گل کُنید.
^{۱۷} کوله آینی نجات ره د سر خو بیلید و شمشیرِ روح ره که کلامِ خدا آسته، د دست خو
 بگیریډ. ^{۱۸} هر غیت د هر دُعا و درخواست خو قد روح دُعا کُنید و بلده امزی کار بیدار

بَشِيد و دَوامدار بَلَدِه تمام مُقَدَّسِين دُعا كُنِيد. ^{۱۹} بَلَدِه ازمه ام دُعا كُنِيد كه قُدْرَتِ كِلامِ دَز
مه دَدِه شُنه تا ما دان خُو ره واز كده دَ دليري رازِ خوشخبري ره بَرَمَلا كُنَم ^{۲۰} كه سَفِيرِ شِي
اَسْتَم، هر چند كه دَ زنجيرَم. دُعا كُنِيد كه دَ بارِه شِي دَ دليري توره بُوگَم، يعنى اَمُو رِقْم كه
مُكَلَّف اَسْتَم توره بُوگِيم.

سلام های آخري

^{۲۱} بَلَدِه ازی كه شُمو ام بَدَنِيد كه ما چَطور اَسْتَم و چيز كار مُونَم، تِيخِيكاس كه بَرارِ عَزِيز و
خِدْمَتگارِ وفادارِ دَ اِحْتِرامِ مَولا اَسْتِه، شُمو ره از تمامِ چيزا باخبر مُونِه. ^{۲۲} ما اُو ره بَلَدِه
امزی مقصد دَ پيش شُمو رِي مُونَم كه شُمو از احوال مو باخبر شُنِيد و تا اُو شُمو ره دِل-
جمی بَدِيه.

^{۲۳} سَلامَتِي و مُحَبَّتِ قَد ايمان از طرفِ اَتِه مو خُدا و مَولایِ مو عيسیٰ مَسِيحِ بَلَدِه بَرارو
نَصيب شُنه. ^{۲۴} فَيضِ خُدا نَصيبِ تمامِ كَسایِ شُنه كه بَلَدِه مَولایِ مو عيسیٰ مَسِيحِ مُحَبَّتِ
بِپايان دَرِه. آمين.